

ԳՈՌ ՍԱՐԳՍՅԱՆ

«ՓԱՓՈՒԿ ՈՒԺԻ» ՀԱՅԵՑԱԿԱՐԳԸ ԶԺՀ «ԽԱՂԱՂ
ՀՅՈՐԱՑՄԱՆ» ՔԱՂԱՔԱԿԱՆՈՒԹՅՈՒՆՈՒՄ

ԶԺՀ խաղաղ հզորացումը մեծ ազդեցություն է ունենում միջազգային հա-
րաբերությունների ճարտարապետության վրա: Որպես այս քաղաքականության
միջոցներից մեկը, հանդես է գալիս «փափուկ ուժի» (soft power) հայեցա-
կարգը:

Այս տերմինի գիտական բացատրությունն առաջին անգամ տվել է
ամերիկյան գիտնական Ջոզեֆ Նայը, 1990 թվականին¹, սակայն փափուկ ուժի
բուն տեսությունը մշակվել է չին մտածողների կողմից (Լաո-Ցզի, Կոնֆուցիոս,
Սուն-Ցզի) դեռ մ.թ.ա. և օգտագործվել է չինացիների կողմից /օր. ռազմական
մտքի բնագավառում/ ավելի քան երկու հազար տարի:

Ալան Հանտերը առաջարկել է այդ տերմինի բացատրության հետևյալ
տարբերակը. «Փափուկ ուժը դա շատ միջոցների, գործիքների և հնարքների
ամբողջություն է, որոնց օգնությամբ ազգի մշակութային ռեսուրսները ծնունդ են
ունենում, որոնք ունակ կլինեն ամրացնելու պետության տնտեսական և ռազմա-
կան հզորությունը»:²

Գոյություն ունի ազդեցության երեք միջոց. պարտադրանքը (ճիպոտ),
պարզևատրումը (անուշաբլիթ) և գրավչությունը, այսինքն «փափուկ ուժ»-ը:
Ջոզեֆ Նայը նշում է «փափուկ ուժի» երեք բաղադրիչները՝ պետության
մշակույթը (որքանով է այն գրավում այլ ազգերին), քաղաքական արժեքները,
որին հավատարիմ են նույնիսկ արտասահմանում, օրինական և բարոյական
հեղինակության վրա հիմնված արտաքին քաղաքականությունը:³ Ալան Հան-
տերը նշում է, որ Հինաստանը առաջիններից մեկն էր, որ օգտագործեց
«փափուկ իշխանությունը»: Սուն Ցզիի «Պատերազմի արվեստ» տրակտատում
առկա են հետևյալ կանոնները՝ օգտագործիր փափուկ միջոցներ, որպեսզի
հաղթես ուժեղին, խուսափիր հակառակորդի ուժեղ կողմերից, օգտագործիր
նրա թուլությունները և այլն: Այլ օրինակով, փափուկ ուժի օգտագործումը

¹ Joseph S. Nye. The Changing nature of American Power. Basic Books, 1991, pg: 366

² Hunter A. Soft Power and Cultural Influence. The Washington Post. 2005. pg 97-99

³ Նույնը

միջին դարերում հանդիսանում էր քաղաքական ուժի տարածում «Կոնֆուցիականության մշակութային տարածաշրջան»-ում՝ Ասիայի երկրներում:

ՉԺՅ «փափուկ ուժի» քաղաքականության վերլուծությունը կարելի է անել նաև վերոնշյալ երեք բաղադրիչներով: Մշակույթի ոլորտում իր նպատակներին հասնելու համար Չինաստանը գործում է մի շարք ուղղություններով՝ ավելացնում է Չինաստանում արտասահմանցի ուսանողների քանակը, հիմնում է Կոնֆուցիոսի ինստիտուտներ, առանձնապես Չարավ-Արևելյան Ասիայում ավելացնում է չինական հեռուստատեսության և ռադիո եթերները, ակտիվորեն զարգացնում է տուրիստական բնագավառը, ավելացնում է սպորտային ոլորտի ծեղքերումները, շփվում է չինական սփյուռքի (խուացիո) հետ, աջակցում է չինական ավանդական մշակույթի տարածմանը և այլն:

2007 թվականի հոկտեմբերին Չինաստանի կառավարությունը երկրի «փափուկ ուժի» գնահատման համար՝ մշակույթը անվանեց կարևոր գործոն: Նույն տարում ՉԿԿ 17-րդ համագումարում ՉԺՅ նախագահ Չու Ցզինտաոն հայտարարեց, որ մշակույթը դառնում է առավել կարևոր գործոն պետության ամբողջական հզորության գործոն: Նա կոչ արեց ավելացնել մշակութային «փափուկ ուժը»: Չինաստանը մեծ նշանակություն է տալիս մշակույթին՝ «մշակութային փափուկ ուժի» հայեցակարգը ներառելով կառավարության ծրագրերում և այն համարելով կարևոր և օժանդակող հենարան դիվանագիտության համար:

Չինաստանի ժողովրդական դիվանագիտության հիմնական նպատակներից մեկը հանդիսանում է Չինաստանի առավել հայտնի դառնալը: Նոր հարյուրամյակում Չինաստանը սկսեց ավանդական մշակույթում դիվանագիտության տեսական հիմքերի որոնումը: 2005 թվականին նախագահ Չու Ցզինտաոն առաջին անգամ առաջ քաշեց «ներդաշնակ աշխարհ» կառուցելու հայեցակարգը: Այժմ մշակութային դիվանագիտությունը դարձավ երրորդ հենարանը՝ քաղաքական և տնտեսական դիվանագիտությունից հետո, այն դարձավ առանձնահատուկ կարևորության դիվանագիտական միջոց:

Չինական գիտական և հասարակական գործիչները, չինովնիկները, ընդգծում են արտասահմանցիների ընդհանուր «աշխարհայացքի ընդլայնման» անհրաժեշտությունը: «Մեր մշակույթը շատ արագ պետք է սկսի ազդեցություն գործել տարբեր երկրներին հատուկ սոցիալական միջավայրերի վրա», «մեզ անհրաժեշտ է հպարտորեն աշխարհին ներկայացնել իսկական չինական մշակութային արժեքները, միաժամանակ ընթռնելով տվյալ գործընթացի նպատակաուղղվածությունը: Ամբողջական և իրական մշակութային ազդեցությունն այնպիսի ուժ է, որը կարող է փոփոխությունների հանգեցնել այլ ժողովուրդ-

ների սովորական ապրելաճուճ, փոփոխել հայացքները մարդկության կայացած արժեքների հանդեպ»:

Չինաստանի ժողովրդական Հանրապետության կրթության նախարարությունը հաշվարկել էր, որ 2010 թվականին աշխարհում ավելի քան 100 միլիոն մարդ կուսումնասիրի չինեերենը որպես օտար լեզու, որի համար պլանավորվում է առավել ընդլայնել Կոնֆուցիոսի ինստիտուտների ցանցը: Այդ նպատակով 2007 կառավարությունը պատրաստ է հատկացնել միլիարդավոր միջոցներ:

Կոնֆուցիոսի ինստիտուտներին զուգահեռ, որոնք պետք է իրականացնեն Չինաստանի մասին գիտելիքների տարածման ամենակարևոր գործընթացը, ոչ պակաս կարևորություն է տրվում նաև այլ միջոցներին: Օրինակ, այսօր շատ երկրներում տարածված է արևելյան արվեստը, այդ թվում և չինականը, որ կարող է ծառայել որպես արդյունավետ միջոց՝ ինչպես հին Չինաստանի, այնպես էլ ժամանակակից Չինաստանի կյանքի և կենցաղի տարածմանը: Չինաստանում շատ մասնագետներ համարում են, որ անցյալ դարի վերջերին չինական մշակույթի «մարկերի» դերը իրականացնում էին արվեստի բավականին առանձնահատուկ տեսակները, ինչպիսիք էին ուշուճ, Պեկինյան օպերան, կինոն, գրականությունը և այլն, որոնցում Չինաստանը ներկայացված էր որպես կիսաֆեոդալական, կիսագաղութատիրական երկիր և դրանց միջոցով «արևմտյան գիտակցության» մեջ առաջ եկան և շարունակում են պահպանվել նման պատկերացումները: Այսօր, չինացի հեղինակների կարծիքով, իրավիճակը պահանջում է որոշակի շտկումներ կատարել «փափուկ» պրոպագանդայում՝ ուղղված Չինաստանի ժամանակակից ձեռքբերումների տարածմանը, 2007 ներքին և արտաքին քաղաքականության հանդեպ դրական գնահատականի ձևավորմանը: Համարվում է, որ չինական մշակույթի ընդհանուր տարածման գործում իրենց ներդրումը պետք է ունենան նաև հենց չինացիները, որոնք աշխատում և ապրում են արտասահմանում: Պակաս կարևորություն չի տրվում նաև արտասահմանյան երկրներում չինական թաղամասերի, ռեստորանների, սալոնների և այլ հասարակական օբյեկտների ձևավորմանը, որոնք նույնպես կարող են հանդես գալ որպես «հին և ժամանակակից Չինաստանի դեմք», և իրենց դրական ազդեցությունն ունենալ 2007-ի հանդեպ արտասահմանցիների պատկերացումների ձևավորման վրա:

Չինաստանի ժամանակակից քաղաքական արժեքները կոնֆուցիականության, դաոսիզմի, բուդդիզմի և մարքսիզմի համադրություն են: Չնայած, որ Չինաստանն իր էությանը շարունակում է մնալ ավտորիտար պետություն՝ նրա զարգացման տնտեսական ցուցանիշները և կայուն քաղաքական համակարգը զարգացող երկրների աչքերում հանդիսանում են բավականին արժեքավոր:

ԱՄՆ իմիջի անընդհատ վատացման ֆոնի վրա՝ ՉԺՀ-ն բավարար ուժեր է ներդնում որպեսզի ամրապնդվի ոչ միայն միջկառավարական շփման մակարդակում, այլև ծեռք բերի սովորական քաղաքացիների համակրանքը: Լատինական Ամերիկայի և Աֆրիկայի երկրներից շատերում «Պեկինյան կոնցենսուսը» առավել ընդունված է, քան «Վաշինգտոնյան կոնցենսուսը»: Նոր դիվանագիտությունը նույնպես էական ներդրում է ունենում համաշխարհային արենայում ՉԺՀ դերի ամրապնդման գործում: Սակայն քաղաքական արժեքների գրավչությամբ՝ Չինաստանը դեռ բավականին զիջում է ԱՄՆ-ին:

Ինչ վերաբերում է աշխարհում օրինական լիզենությունը, ապա Չինաստանը դեռ ընդունվում է որպես տարածաշրջանային գերտերություն՝ առավել զլորալ հավակնություններով:

Չինացի քաղաքագետները հասկանում են այս տեսության ամբողջ կարևորությունը: «Փափուկ ուժի ակտիվացումը դա ռազմավարական ընտրություն է, որը չի կարելի անտեսել՝ Չինաստանի խաղաղ հզորացման գործում», - կարծում է չինացի քաղաքագետ Չժեն Բիցզյանը: Ցիտելով Ցզյան Ցզենինին, նա գրում է. «Ժամանակակից աշխարհում պետությունների միջև հզորության մրցապայքարը իր մեջ ներառում է ոչ միայն տնտեսական, գիտատեխնիկական, այլև մշակութային մրցակցություն»:⁴

⁴ Zheng Bijian. A New Path for China's Peaceful Rise and the Future of Asia. Speech at the Luncheon by the National Committee on American Foreign Policy. 2005.